

四庫全書

經部

欽定四庫全書

經部
易漢學卷二

詳校官給事中_臣丁雲錦

通政使司副使_臣莫瞻菴覆勘

總校官編修_臣王燕緒

校對官祭酒_臣鄒奕孝

謄錄監生_臣張復

欽定四庫全書

經部一

易漢學

易類

提要

臣等謹案易漢學八卷

國朝惠棟撰是編乃追考漢儒易學掇拾緒論
以見大凡孟長卿易二卷虞仲翔易一卷京
君明易二卷千寶易附見鄭康成易一卷荀
慈明易一卷其末一卷則棟發明漢易之理

以辨正河圖洛書先天太極之學其以虞翻
次孟喜者以翻別傳自稱五世傳孟氏易以
鄭元次京房者以後漢書稱元通京氏易也
荀爽別為一卷則費氏易之流派矣考漢易
自田王孫後始歧為施孟梁丘三派然漢書
儒林傳稱孟喜得易家候陰陽災變書詐言
田生且死時祝喜膝獨傳而梁邱賀疏通證
明謂田生絕于施讐手中時喜歸東海安得

此事又稱焦延壽嘗從孟喜問易京房以為
延壽即孟氏學而翟牧白生不肯皆曰非也
劉向亦稱諸易家說皆祖田何楊叔丁將軍
大義畧同惟京氏為異黨則漢學之有孟京
亦猶宋學之有陳邵均所謂易外別傳也費
氏學自陳元鄭眾馬融鄭元以下遞傳以至
王弼是為今本然漢書稱直長於卦筮無章
句徒以彖象繫辭十篇文言解說上下經又

隋志五行家有直易林二卷易內神筮二卷
周易筮占林五卷則直易亦兼言卜筮特其
爻象承應陰陽變化之說與孟京兩家體例
較異合是三派漢學之占法亦約畧盡此矣
夫易本為卜筮作而漢儒多參以占候未必
盡合周孔之法然其時去古未遠要必有所
受之棟採輯遺聞鈎稽考證使學者得畧見
漢儒之門徑於易亦不為無功矣孟京兩家

之學當歸術數然費氏為象數之正傅鄭氏
之學亦兼用京費之說有未可盡目為讖緯
者故仍列之經部焉乾隆四十六年十月恭
校上

總纂官

臣

紀昀

臣

陸錫熊

臣

孫士毅

總校官

臣

陸費墀

臣

費墀

欽定四庫全書

提要

易漢學原序

六經定於孔子燬於秦傳於漢漢學之亡久矣獨詩禮
二經猶存毛鄭兩家春秋為杜氏所亂尚書為偽孔氏
所亂易經為王氏所亂杜氏雖有更定大較同於賈服
偽孔氏則襍采馬王之說漢學雖亡而未盡亡也惟王
輔嗣以假象說易根本黃老而漢經師之義蕩然無復
有存者矣故宋人趙紫芝有詩云輔嗣易行無漢學玄
暉詩變有唐風蓋寶錄也棟曾王父樸菴先生嘗閔漢

易之不存也取李氏易解所載者參衆說而為之傳天
崇之際遭亂散佚以其說口授王父王父授之先君先
君於是成易說六卷又嘗欲別撰漢經師說易之源流
而未暇也棟趨庭之際習聞餘論左右采獲成書七卷
自孟長卿以下五家之易異流同源其說略備嗚呼先
君無祿即世三年矣以棟之不才何敢輒議著述然以
四世之學上承先漢存什一於千百庶後之思漢學者
猶知取證且使吾子孫無忘舊業云長洲惠棟

欽定四庫全書

易漢學卷一

孟長卿易上

卦氣圖說

孟氏卦氣圖以坎離震兌為四正卦餘六十卦卦主六
且七分合周天之數內辟卦十二謂之消息卦乾益為
息坤虛為消其實乾坤十二畫也繫辭云乾之策二百

長洲惠棟撰

一十有六坤之策一百四十有四凡三百有六十當期之日夫以二卦之策當一期之數則知二卦之爻周一歲之用矣四卦主四時爻主二十四氣十二卦主十二辰爻主七十二候六十卦主六日七分爻主三百六十五日四分日之一辟卦為君雜卦為臣四正為方伯二至二分寒溫風雨揔以應卦為節是以周易參同契曰君子居室順陰陽節藏器俟時勿違卦月謹候日辰審察消息纖芥不正悔吝為賊二至改度乖錯委曲隆冬

大暑盛夏霜雪二分縱橫不應漏刻水旱相伐風雨不節蝗蟲湧沸羣異旁出此言卦氣不效則分至寒溫皆失其度也漢書谷永對策曰王者躬行道德則卦氣理

效五徵特序

兼洪範五行言

失道妄行則卦氣悖亂咎徵著郵

後漢張衡上疏亦言律厯卦候數有徵效

郎顛七事云今春當早夏

必有水以六日七分候之可知

樊毅修華嶽碑云風雨應卦藏潤萬物

是漢儒皆用卦氣為占驗宋元以來漢學日就滅亡幾不知卦氣為何物矣余既列二圖於後兼采先儒諸說

以為左證焉

閏餘者剝卦陽氣盡於九月之終至十月末純坤用事
坤卦將盡則復陽來隔坤之一卦六爻為六日復來成
震一陽爻生為七日故言反復其道七日來復是其義
也


繫辭上曰旁行而不流九家易曰旁行周合六十四卦
月主五卦爻主一日歲既周而復始

易漢學

易漢學

三

卦氣七十二候圖



右李溉所傳卦氣圖也其說原於易緯素問曰五日謂之候三候謂之氣六氣謂之時四時謂之歲乾鑿度曰天氣三微而成一著三著而成一體康成注云五日為一微十五日為一著故五日有一候十五日成一氣康成又云每一卦生三氣則各得十五日十二卦卦各六爻爻主一候而一歲之運周焉案御覽載易緯通卦驗九百六十七卷九百四十四卷驚蟄大壯初九候桃始華不華倉庫多火今圖與之合又曰姤上九候蟬始鳴

不鳴國多妖言案圖始九五蜩始鳴

蜩蟬同

上九半夏

生遲一候者朱子發震云易通卦驗易家傳先師之


言所記氣候比之時訓晚者二十有四早者三今圖

依時訓故異也

困學紀聞曰月令仲冬虎始交通卦
驗云小寒季冬鶡始巢詩推度灾云

復之日雉雞乳通卦驗
云立春皆以節有早晚也

六日七分圖



魏正光歷推四正卦術曰十一月未濟蹇頤中孚復十
二月屯謙睽升臨正月小過蒙益漸泰二月需隨晉解
大壯三月豫訟蠱革夬四月旅師比小畜乾五月大有
家人井咸姤六月鼎豐渙履遯七月恒節同人損否八
月巽萃大畜賁觀九月歸妹无妄明夷困剝十月艮既
濟噬嗑大過坤又云四正為方伯中孚為三公復為天
子屯為諸侯謙為大夫睽為九卿升還從三公周而復
始

易緯稽覽圖曰甲子卦氣起中孚六日八十分日之七
鄭康成注云六以候也八十分為一日之七者一卦六
日七分也

易緯是類謀曰冬至日在坎春分日在震夏至日在離
秋分日在兌四正之卦卦有六爻爻主一氣

共主二
十四氣餘

六十卦卦主六日七分八十分日之七歲有十二月三
百六十五日四分日之一六十而一周

唐一行六卦議曰十二月卦出於孟氏章句其說易本

於氣而後以人事明之

易乾鑿度曰太易者未見氣也太初者氣之始也康成注云太

易之始漠然無氣可見者太初之氣寒溫始生也乾鑿度又云易變而為一注云一主北方氣漸生之始此則

太初之氣所生也

京氏又以卦支配巽坎離震兌其用事自分

至之首皆得八十分日之七十三願晉井大畜

四卦皆在分至

之首皆五日十四分

四卦共少二分百九十二分

餘皆六日七分自乾象

歷以降皆因京氏惟天保歷依易通統軌圖自八十有

二節五卦初爻相次用事及上爻與中氣皆終非京氏

本旨及七略所傳按郎顛所傳皆六日七分不以初爻

相次用事齊歷謬矣易爻當日十有二中直全卦之初十有二節直全卦之中齊歷又以節在貞氣在悔非是復卦經云七日來復康成注曰建戌之月以陽氣既盡建亥之月純陰用事至建子之月陽氣始生隔此純陰一卦卦主六日七分舉其成數言之而云七日來復孔穎達曰按易緯云卦氣起中孚故離坎震兌各主其一方其餘六十卦卦有六爻爻別主一日凡主三百六十五日餘有五十四分日之一者每日分為八十分五十分

為四百分四分日之一又分為二十分是四百二十分
六十卦分之六七四十二卦別各得七分是每卦六日
七分也李鼎祚曰案易軌一歲十二月三百六十五日
四分日之一以坎離震兌四方正卦卦別一爻爻主一
氣其餘六十卦三百六十爻爻主一日當周天之數餘
五日四分日之一以通

缺

消息

左傳正義易曰伏羲作十言之教曰乾坤震巽坎離艮

兌消息

繫辭上曰變化者進退之象也荀爽曰春夏為變秋冬為化息卦為進消卦為退也

說卦曰數往者順知來者逆仲翔曰坤消從午至亥上
下故順也乾息從子至巳下上故逆也

九家易注泰卦曰陽息而升陰消而降陽稱息者長也
起復成巽萬物盛長也陰言消者起姤終乾萬物成熟
熟則給用給用則分散故陰用特言消也

易乾鑿度曰聖人因陰陽起消息立乾坤以統天地又云消息卦純者為帝不純者為王

史記歷書太史公曰黃帝考定星歷建立五行起消息注皇侃曰乾者陽生為息坤者陰死為消也

漢書京房上封事曰辛酉以來少陰并力而乘消息孟康曰房以消息卦為辟辟君也消卦曰太陰息卦曰太陽其餘卦曰少陰少陽為臣下也

後漢書陳忠上疏曰頃季夏大暑而消息不協寒氣錯

時水漏為變天之降異必有其故所舉有道之士可策問國典所務王事過差令處煖氣不效之意庶有讜言以承天誠

四正

說卦曰震東方也離也者南方之卦也兌正秋也坎者正北方之卦也

案震離兌坎陰陽各六爻荀爽以為乾六爻皆陽陽爻九四九三十六合四時坤六爻皆陰陰爻六四六

二十四合二十四氣蓋四正者乾坤之用翟玄注文
言云乾坤有消息從四正來也

繫辭上曰兩儀生四象仲翔曰四象四時也兩儀謂乾
坤也乾二五之坤成坎離震兌四卦震春兌秋坎冬離
夏故兩儀生四象

孟氏章句曰坎離震兌二十四氣次主一爻其初則二
至二分也坎以陰包陽故自北正微陽動於下升而未
達極於二月凝涸之氣消坎運終焉春分出於震始據

萬物之元為主於內則羣陰化而從之極於南正而豐
大之變窮震功究焉離以陽包陰故自南正微陰生於
地下積而未章至於八月文明之質衰離運終焉仲秋
陰形於兌始形萬物之末為主於內羣陽降而承之極
於北正而天澤之施窮兌功究焉故陽七之靜始於坎
陽九之動始於震陰八之靜始於離陰六之動始於兌
故四象之變皆兼六爻而中節之應備矣

一行六
卦議

易緯是類謀曰冬至日在坎春分日在震夏至日在離

秋分日在兌四正之卦卦有六爻爻主一氣

康成注通卦驗曰冬至坎始用事而主六氣初六爻也
小寒於坎直九二大寒於坎直六三立春於坎直六四
雨水於坎直九五驚蟄於坎直上六春分於震直初九
清明於震直六二穀雨於震直六三立夏於震直九四
小滿於震直六五芒種於震直上六夏至於離直初九
小暑於離直六二大暑於離直九三立秋於離直九四
處暑於離直六五白露於離直上九秋分於兌直初九

寒露於兌直九二霜降於兌直六三立冬於兌直九四
小雪於兌直九五大雪於兌直上九

孟康漢書注曰分卦直日之法一爻主一日六十四為
三百六十日餘四卦震離兌坎為方伯監司之官所以
用震離兌坎者是二至二分用事之日又是四時各專
王之氣各卦主時其占法各以其日觀其善惡也

魏正光歷曰四正為方伯薛瓚注漢書曰京房謂方伯
卦震兌坎離也京氏易傳曰方伯分威厥妖馬生子亡

易緯乾鑿度曰四維正紀經緯仲序度畢矣康成云四維正四時之紀則坎離為經震兌為緯此四正之卦為四仲之次序也

京氏易傳曰賦斂不理茲謂禍厥風絕經緯

四時不正也又

云大經在辟而易臣茲謂陰動

坎離為經位方伯故云大經在

辟謂方伯擬君易其臣道也

又云大經搖政茲謂不陰

不陰不臣也

漢書魏相奏曰東方之神太昊乘震執規司春南方之神炎帝乘離執衡司夏西方之神少昊乘兌執矩司秋

北方之神顓頊乘坎執權司冬中央之神黃帝乘坤艮
執繩司下土茲五帝所司各有時也東方之卦不可以治
西方南方之卦不可以治北方春興兌治則饑秋興震
治則華冬興離治則泄夏興坎治則雹

十二消息

易繫辭曰變通配四時仲翔曰變通趣時謂十二月消
息也泰大壯夬配春乾姤遯配夏否觀剝配秋坤復臨
配冬謂十二月消息相變通而周於四時也

自定以居人言 卷一
又云剛柔相推變在其中矣仲翔曰謂十二消息九六相變剛柔相推而生變化故變在其中矣

又曰往來不窮謂之通荀爽曰謂一冬一夏陰陽相變易也十二月消息陰陽往來無窮已故通也

又曰寒往則暑來暑往則寒來仲翔曰乾為寒坤為暑謂陰息陽消從姤至復故寒往暑來也陰詘陽信從復至泰故暑往寒來也

又曰範圍天地之化而不過九家易曰範者法也圍者

周也言乾坤消息法周天地而不過於十二辰也辰日
月所會之宿謂諏訾降婁大梁實沈鶉首鶉火鶉尾壽
星大火析木星紀玄枵之屬是也

諏訾以下謂自寅
至丑自泰至臨也

干寶注乾六爻曰陽在初九十一月之時自復來也初
九甲子乾納甲天正之位而乾元所始也陽在九二十
二月之時自臨來也陽在九三正月之時自泰來也陽
氣在四二月之時自大壯來也陽在九五三月之時自
夬來也陽在上九四月之時也

四月於消
息為乾

又注坤六爻

曰陰氣在初五月之時自姤來也陰氣在二六月之時自遯來也陰氣在三七月之時自否來也陰氣在四八月之時自觀來也陰氣在五九月之時自剝來也陰在上六十月之時也

十月於消息為坤

康成注乾鑿度曰消息於雜卦為尊每月者譬一卦而位屬焉各有所繫案每月譬一卦者如乾之初九屬復坤之初六屬姤是也臨觀以下倣此

春秋緯樂緯曰夏以十三月為正息卦受泰物之始其

色尚黑以寅為朔殷以十二月為正息卦受臨物之牙
其色尚白以雞鳴為朔周以十一月為正息卦受復其
色尚赤以夜半為朔

此後漢陳寵所謂三微成著以通三統也康成謂十
日為微一月為著三微成著一爻也三著成體乃泰
卦也

易乾鑿度曰孔子曰復表日角臨表龍顏泰表戴

與戴同

干大壯表握訴龍角大辰

古曆字

夬表升骨履文姤表耳

參漏足履王知多權遜表日角連理否表二好文坤為文故

好文觀表出準虎眉剝表重童與瞳同明歷元

案十二消息皆辟卦故舉帝王之表以明之

周易參同契曰朔旦為復初九晦至朔且震來受符陽氣始通出入

無疾仲翔云謂出震成乾入巽成坤坎為疾十二消息不見坎象故出入無疾立表微剛黃

鍾建子韋昭曰十一月黃鍾乾初九也康成曰黃鍾子之氣也十一月建焉兆乃滋長播

施柔暖黎蒸得常臨爐施條九開路正光光耀漸近日

以益長丑之大呂康成曰大呂丑之氣也十二月建焉結正低昂仰以成

泰

九二

剛柔並隆陰陽交接小往大來

仲翔曰坤陰誑外為小往乾陽信內

為大

輻輳于寅運而趣時漸歷大壯

九四

俠列夕門

春分為卯

卯為開門

榆莢墮落還歸本根

二月榆落魁臨於卯翼奉風角曰木落歸本

刑德

相負

建緯卯卯刑德並會相見歡喜

晝夜始分夬陰以退陽升而前洗

濯羽翮

九五飛龍

振索宿塵乾健盛明廣被四隣陽終於巳

上九

中而相干姤始紀序

初六

履霜最先并底寒泉

巽初六與乾初

九為飛龍乾為冰也

午為蕤賓

康成曰蕤賓午之氣也五月建焉

賓服于陰陰為

主人遯去世位

六二避乾二世

收斂其精懷德俟時

陸績曰避侯時也

栖遲昧冥否塞不通三六萌者不生陰伸陽屈沒陽姓名

觀其權量四六察仲秋情任畜微稚老枯復榮養麥芽蘗

因冒以生八月麥生天罡據酉詩緯推度災曰陽本為雄陰本為雌物本為魂雄生八月仲節號曰

太初行三節宋均注云本即原也變陰陽為雌雄魂也節猶氣也太初者氣之始也必知生八月仲者據此時

麥養生以為驗也陽生物行三節者須雌俱行物缺也剝爛肢體六五雜卦曰剝爛也初足二辨

四膚指間稱辨辨上稱膚皆屬肢體消滅其形消艮入坤化氣既竭秋冬為化亡失

至神乾為神道窮則返歸乎坤元

月令孟春曰是月也天氣下降地氣上騰正義曰天地

之氣謂之陰陽一年之中或升或降故聖人作象各分
為六爻以象十二月陽氣之升從十一月為始至四月
六陽皆升六陰皆伏至五月一陰初升至十月六陰盡
升六陽盡伏今正月云天氣下降地氣上騰者陽氣五
月之時為陰從下起上嚮排陽至十月之時六陽退盡
皆伏於下至十一月陽之一爻始動地中至十二月陽
漸升陽尚微未能生物之極正月三陽既上成為乾卦
乾體在下三陰為坤坤體在上是陽氣五月初降至正

月為天體而在坤下也十一月一陽初生而上排陰至
四月陰爻伏盡六陽在上五月一陰生六月二陰生陰
氣尚微成物未具七月三陰生而成坤體坤體在下三
陽為乾而體在上所以十月云地氣下降天氣上騰劉
洽記閻皇侃之徒既不審知其理又不定其指趣誼誼
嘵嘵亦無取焉

辟卦雜卦

易緯乾鑿度曰歲三百六十五日四分日之一以卦用

事一卦六爻爻一日凡六日

七分歸閏

初用事一日天王諸

侯也二日大夫也三日卿也四日三公也五日辟也六日宗廟爻辭善則善凶則凶康成注云辟天子也天王諸侯者言諸侯受其吉凶者惟天子而已

案易緯此說與齊天保歷合所謂五卦初爻相次用事也其云六日宗廟未詳豈一卦六爻備有此六者耶卦氣五位以公辟侯大夫卿周還用事此始侯者從月數也

魏正光歷卦曰四正為方伯中孚為三公復為天子屯為諸侯謙為大夫睽為九卿升還從三公周而復始京房上封事曰迺辛巳蒙氣復乘卦太陽侵色張晏曰晉卦解卦也太陽侵色謂大壯也

案大壯辟卦也乾九四用事故云太陽晉辟解雜卦也皆主二月

又曰辛酉以來少陰倍力而乘消息益康曰房以消息卦為辟辟君也消卦曰太陰

姤避否
觀剝坤

息卦曰太陽

復臨
泰大

壯大 其餘卦曰少陰少陽為臣下也并力雜卦氣干消
息也

後漢書朱穆奏記梁冀曰今年九月天氣鬱冒五位四
候連失正氣

崇五位謂公辟候大夫卿四候四正也

易漢學卷一

欽定四庫全書

易漢學卷二

長洲惠棟撰

孟長卿易下

推卦用事日

劉洪乾象歷推卦用事日曰因冬至大餘倍其小餘坎

用事日也加小餘千七十五滿乾法

千一百七十八

從大餘中

孚用事日也求坎卦各加大餘六小餘百三其四正各

因其中日而倍其小餘

魏書律厯志正光厯推四正術曰因冬至大小餘即坎卦用事日春分即震卦用事日夏至即離卦用事日秋分即兌卦用事日求中孚卦加冬至小餘五千五百三十小分九微分一微分滿五從小分小分滿氣法從小餘小餘滿節法從大餘命以紀算外即中孚卦用事日其解加震咸加離賁加兌亦如中孚加坎求次卦加坎大餘六小餘五百二十九

新厯云一千四百七十三

小分十四微分

四微分滿五從小分小分滿氣法

新歷云滿小分法二十四

從小餘

小餘滿節法

新歷節法一萬六千八百六十

從大餘命以紀算外即復

卦用事日大壯加震姤加離觀加兌如中孚加坎

當云如復

坎加

六十卦用事之月

十一月未濟蹇頤中孚復

未濟內卦主小雪十月中外卦主大雪十一月節

易繫辭曰言行君子之所以動天地也仲翔曰巽四以

風動天震初以雷動地

二變成易故云震初

中孚十一月雷動地

中

案冬至之卦復也其實起于中孚七日而後復應故揚子雲太玄準以為中為六十四卦之首易緯稽覽圖亦云甲子卦氣起中孚也

孟喜易章句曰自冬至初中孚用事一月之策九六七八是為三十而卦以地六候以天五五六相乘消息一

變十有二變而歲復初

一行六卦議

後漢書魯恭上疏曰易十一月君子以議獄緩死注云

易中孚象辭也稽覽圖中孚十一月卦也

王伯厚困學紀聞曰上繫七爻起於中孚鳴鶴在陰
下繫十一爻起於咸憧憧往來卦氣圖自復至咸八
十八陽九十二陰自姤至中孚八十八陰九十二陽
咸至姤凡六日七分中孚至復亦六日七分陰陽自
然之數也

馬季長易乾初九注曰初九建子之月陽氣始動於黃

泉故云潛龍

王伯厚曰歷元始於冬至卦氣起於中孚
幽詩於十月曰為改歲周以十一月為正

此蓋本

復象曰復其見天地之心乎荀爽曰復者冬至之卦陽起初九為天地心萬物所始吉凶之先故曰見天地之心

十二月屯謙睽升臨

屯內卦主冬至十一月中外卦主小寒十二月節

易屯象曰屯剛柔始交而難生崔憬注云十二月陽始浸長而交於陰故曰剛柔始交萬物萌芽生於地中有寒冰之難故難生

說文曰屯難也象草木之初生屯然而難從中贊一一地也尾曲

屯彖曰雲雷屯九家易云雷雨者興養萬物今言屯者
十二月雷伏藏地中未得動出雖有雲雨非時長育故
言屯也

易緯稽覽圖曰屯十一月

卦內

神人從中山出趙地動北

方三十日千里馬數至隋王劭釋云屯十一月神人從
中山出者此外動而大亨作趙地動者中山為趙地千
里馬者屯卦震下坎上震於馬為作足坎於馬為美脊
馬行先作弄四足也

北史

易緯乾鑿度孔子曰升者十二月之卦也陽氣升上陰氣欲承萬物始進

唐一行七日度議曰國語曰農祥晨正日月底於天廟土乃脉發先時九日太史告稷曰自今至於初吉陽氣俱蒸土膏其動弗震不渝脉其滿青穀乃不殖周初先立春九日日至營室古歷距中九十一度是日晨初大火正中故曰農祥晨正日月底於天廟也於易象升氣究而臨受之自冬至後七日乾精始復

七月中
孚一卦

乃大寒

地統之中陽洽於萬物根柢而與萌芽俱升木在地中

之象

升坤上
巽下

升氣已達則當推而大之故受之以臨

臨者

也大於消息龍德在田

九二乾
臨同物

得地道之和澤而動於地

中升陽憤盈土氣震發故曰自今至初吉陽氣初蒸土

膏其動又先春三日而小過用事

小過
內卦

陽好節正於內動

作於外矯而過正然後返求中焉是以及於艮維

小過
內卦

艮則山澤通氣陽精闢戶甲拆之萌見而葶穀之際離

故曰不震不渝脉其滿膏穀乃不殖

新唐
書志

易臨卦經曰至於八月有凶康成曰臨卦斗建丑而用事殷之正月也當文王之時紂為無道故於是卦為殷家著興衰之戒以見周改殷正之數云臨自周二月用事訖其七月至八月而遯卦受之此終而復始王命然矣

易緯乾鑿度曰易曰知臨大君之宜吉臨者大也陽氣在內中和之盛應於盛位浸大之化行於萬民故言宜

正月小過蒙益漸泰

小過內卦主大寒十二月
中外卦主立春正月節

易緯乾鑿度曰中孚為陽貞於十一月子小過為陰貞於六月未法于乾坤康成曰中孚貞於十一月子小過正月之卦也宜貞於寅而貞於六月非其次故言象法乾坤

項安世周易玩辭曰小過寅之初氣也斗方直艮而震氣上出疑於過矣然去卯不遠亦未為大過也

易緯乾鑿度曰乾陽也坤陰也並如而交錯行乾貞於十一月子左行陽時六坤貞於六月未右行陰時六以

奉順成其歲歲終次從於屯蒙屯蒙主歲屯為陽貞於
十二月丑其爻在行以間時而治六辰蒙為陰貞於正
月寅其爻右行亦間時而治六辰歲終則從其次卦

次
為需
訟

此言主歲卦也參同契曰屯以子申蒙用寅戌餘六
十卦各自有日謂需訟以下也又曰朔旦屯直事至

暮蒙當受晝夜各一卦用之依次序

晝夜各一卦六十卦止得一百

八十日春夏據內體秋冬當外用
一卦內外分之周一歲之數也

當時本有各卦主

歲之圖而屯蒙不貞丑寅故康成云屯蒙之貞違經

失義是也

乾坤以下兩卦主一歲後人不知道為反對真鄭書燕說

干寶蒙卦注曰蒙於消息為正月卦也正月之時陽氣上達故屯為物之始生蒙為物之穉也

易緯乾鑿度孔子曰益之六二或益之十朋之龜弗克違永貞吉王用亨于帝吉益者正月之卦也天氣下施萬物皆益王用亨于帝者言祭天也三王之郊一用夏正天氣三微而成一著三著而成一體方知此之時天

地交萬物通故泰益之卦皆夏之正也此四時之正不
易之道也康成注曰五日為一微十五日為一著故五
日有一候十五日成一氣也冬至陽始生積十五日至
小寒為一著至大寒為二著至立春為三著凡四十五
日而成一節故曰三著而成體也正月則泰卦用事故
曰成體而郊也

蔡邕明堂月令論曰易正月之卦曰泰其經曰王用亨
於帝吉孟春令曰乃擇元日祈穀于上帝顓頊歷衡

疑作

術曰天元正月己巳朔日立春日月俱起於秦建宮室
制度月令孟春之月日在營室易蒙上九曰不利為寇
利用禦寇令曰兵戎不起不可從我始

案蔡氏此論證易與月令合也詩匏有苦葉云士如
歸妻迨冰未泮箋云冰未散正月中以前也易漸卦
云女歸吉漸正月卦正與詩合

二月需隨晉解大壯

需內卦主雨水正月中
外卦主驚蟄二月節

易緯乾鑿度孔子曰隨上六拘繫之乃從維之王用亨

於西山隨者二月之卦隨德施行藩決難解萬物隨陽
而出故上六欲待九五拘繫之維持之明被陽化而陰
欲隨之也康成云大壯九三爻主正月陰氣猶在故羝
羊觸藩而羸其角也至於九四主二月故藩決不勝羸
也言二月之時陽氣已壯施生萬物而陰氣漸微不能
為難以障閉陽氣故曰藩決難解也

大壯九三主正月未詳案齊天保歷以卦之貞悔分
節氣豈九三在貞為正月中九四在悔為二月節歟

易解象曰解險以動動而免乎險解仲翔云險坎動震
解二月雷以動之雨以潤之物咸孚甲萬物生震出險
上故免乎險也

漢書京房傳曰房以建昭三年二月朔拜上封事曰迺
辛巳蒙氣復來卦太陽侵色張晏曰晉卦解卦也太陽
侵色謂大壯也

案晉九卿也解三公也皆雜卦大壯辟也太陽侵色
雜卦干消息也

郎顛七事曰孔子曰雷之始發大壯始

春秋傳曰雷乘乾曰大壯大衍

歷經春分辟大壯雷乃發聲郭璞注穆天子傳引歸藏易曰豐隆筮御雲得大壯卦遂為雲師也

君弱

臣彊從解起

大壯辟為君解三公為臣

今月九日至十四日

一又大壯

用事消息之卦也

消息即辟卦

於此六日之中雷當發聲發

聲則歲和王道興也易曰雷出地奮豫

豫內卦主春分二月

先王

以作樂崇德殷薦之上帝雷者所以開發萌芽辟陰除

害萬物須雷而解資雨而潤故經曰雷以動之雨以潤

之王者崇寬大順春令則雷應節不則發動於冬當震

反潜故易傳曰當雷不雷太陽弱也

太陽謂大壯

今蒙氣不

除則其效也

蒙氣解見京易卷

漢書五行志曰莊公七年四月辛卯夜恒星不見夜中

星隕如雨易曰雷雨作解是歲歲在玄枵齊分野也雨

以解過施復從上下象齊桓行霸復興周室也周四月

夏二月也

解二月卦故以明之

三月豫訟蠱革夬

豫內卦主春分二月中外卦主清明三月節

漢書五行志曰雷以二月出其卦曰豫言萬物隨雷出地

皆逸豫也以八月入其卦曰歸妹言雷復歸入地則孕

毓根核

與茲同歸妹內卦主秋分八月

保藏蟄蟲避盛陰之害出地則

養長華實發揚隱伏宣盛陽之德入能除害出能興利人君之象也

易緯乾鑿度曰陽消陰言夬夬為言決也當三月之時陽盛息消夬陰之氣萬物畢生靡不蒙化譬猶王者之崇至德奉承天命伐決小人以安百姓故謂之決

仲翔注夬卦曰夬陽決陰息卦也

朱震易叢說曰夬三月清明氣也故曰覓陸夬夬覓
陸三月四月生也

四月旅師比小畜乾

旅內卦主穀雨三月中外卦主立夏四月節

比象曰先王以建萬國親諸侯案比四月卦古者封諸
侯以夏故有是象白虎通曰封諸侯以夏何陽氣盛養
故封諸侯盛養賢也

干寶比卦注曰比世于七月而息來在巳去陰居陽承
乾之命義與師同

案七月辰在申四月辰在巳故云去陰居陽乾為辟
故云承乾命師亦世于七月而息在巳

漢書五行志曰昭十七年六月甲戌朔日有食之左氏
傳平子曰唯正月朔慝未作日有食之於是伐鼓用幣
其餘則否太史曰在此月也當夏四月是謂孟夏說曰
正月謂周六月夏四月正陽純乾之月也慝謂陰爻也
冬至陽爻起初故曰復至建巳之月為純乾亡陰爻而
陰侵陽為災重故伐鼓用幣責陰之禮月令孟春行夏

令則雨水不時康成注云已之氣乘之也四月於消息
為乾

後漢書張純奏曰禘祭以夏四月夏者陽氣在上陰氣
在下故正尊卑之義也注云四月乾卦用事故言陽氣
在上也

攝生月令曰四月為乾注云生氣卯死氣酉

五月大有家人井咸姤

大有內卦主小滿四月
中內卦主芒種五月節

易大有象曰火在天上曰大有荀爽曰謂夏火王在天

萬物並生故曰大有

井九二井谷射鮒子夏傳謂蝦蟇朱震曰井五月之卦故有蝦蟇

案二體巽巽為風風主蟲子夏以為蝦蟇得之

周易參同契曰姤始紀序履霜最先井底寒泉井九五曰井冽寒泉食仲翔曰泉自下出稱井周七月夏之五月陰氣在下二已變坎十一月為寒泉故冽寒泉矣

易坤初六曰履霜堅冰至九家易云初六始姤姤為五

月盛夏而言堅冰五中陰氣始生地中言始於微霜終至堅冰以明漸順至也

東觀漢記司徒魯恭上疏曰案易五月姤卦用事姤卦巽下乾上初六一陰生五月之卦也經曰后以施命誥四方言君以夏至之日施命令止四方行者所以助微陰也

仲翔姤卦注曰姤五月南方

朱震易叢說曰姤五月夏至氣也故曰以杞包瓜瓜

生於四月中氣故也

六月鼎豐渙履遯

鼎內卦主夏至五月中
外卦主小暑六月節

京房易傳曰雷火火震動曰豐宜日中夏至積陰生豐

當正應吉凶見矣

日中也

又云上木下火氣稟純陽陰生

於內

易臨卦曰至於八月有凶仲翔注云臨與遯旁通臨消於遯六月卦也於周為八月康成注云臨自周二月用事訖其七月至八月而遯卦受之

京房上封事曰臣前以六月中言遯卦不效法曰道人始去寒涌水為災至其七月涌水出

七月恒節同人損否

恒內卦主大暑六月中外卦主立秋七月節

損象曰二簋應有時仲翔注云時謂春秋也損二之五

二之五成益

震二月

互震體

益正月春也損七月兌八月秋也

震兌初九主二分

謂春秋祭祀以時思之

京房易傳曰節建起甲申至巳丑陸績注云為本身節

氣

案七月在中節七月卦故云本身節氣

又云金上見水本位相資

金節本位

也 二氣交爭失節則嗟

八月巽萃大畜賁觀

巽內卦主處暑七月中
外卦主白露八月節

巽初六曰進退利武人之貞案四體兌兌為金金主秋
立秋賞武人巽又於消息為七月八月故曰利武人之
貞

虞仲翔巽卦注曰巽八月西方

漢書五行志曰定公元年十月隕霜殺菽劉向以為周

十月今八月也於

一作消

卦為觀陰氣未至君位而殺

則

至君位矣 誅罰不由君出在臣下之象也

九月歸妹无妄明夷困剝

歸妹內卦主秋分八月
中外卦主寒露九月節

歸妹象曰澤上有雷歸妹干寶曰雷薄于澤八月九月
歸藏之時也

易緯乾鑿度曰孔子曰泰正月之卦也陽氣始通陰道
執順故因此以見湯之嫁妹能順天地之宜立教戒之

義也

湯嫁妹之詞
見京房易

至於歸妹八月卦也

指內卦

陽氣歸下

陰氣方盛故復以見湯之歸妹

郎顛傳顛上七事曰漢興以來今在戌仲十年於易雌
雄秘歷今直困乏凡九二困者衆小人欲共困害君子
也經曰困而不失其所其唯君子乎

案困九月卦九月建戌順帝時在戌仲當是困卦主
歲故以為值困乏也

朱子發周易叢說曰困九月霜降氣也故曰株木曰
蒺藜蒺藜者秋成也

乾鑿度曰陰消陽言剝當九月之時陽氣哀消而陰終

不能盡陽小人不能決君子也謂之剥言不安而已

漢書五行志曰僖公三十三年十二月隕霜不殺草劉
向以為今十月周十二月於易五為天位為君位九月
陰氣至五通於天位其卦為剥剥落萬物始大殺矣明
陰從陽命臣受君令而後殺也十二月隕霜不殺草此
君誅不行舒緩之應也

十月艮既濟噬嗑大過坤

艮內卦主霜降九月中
外卦主立冬十月節

易緯乾鑿度孔子曰既濟九三高宗伐鬼方三年克之

高宗者武丁也湯之後有德之君也九月之時陽失正

位

既濟為九月未詳

盛德既衰而九三得正下陰能終其道濟

成萬物猶殷道中衰至于高宗扶救衰微三年而惡消

滅

應劭風俗通曰易噬嗑為獄十月之卦獄從犬言聲二

犬亦存以守也廷者陽也陽上生長獄者陰也陰生刑

殺故獄皆在廷比順其位

御覽六百四十三卷

朱子發周易叢說曰大過十月小雪氣也故曰枯陽

生梯枯楊生華

坤文言曰夫玄黃者天地之雜也荀爽云消息之卦坤位在亥下有伏乾陰陽相和故曰天地之雜也

唐一行開元大衍歷經

大衍步發斂術

天中之策五 餘二百二十三 秒三十一 秒法七十二
地中之策六 餘一百六十五 秒八十六 秒法一百二十
貞悔之策三 餘一百三十二 秒一百三 秒法如前

辰法七百六十 刻法三百四

推七十二候各因中節大小餘命之即初候日也以天中之策及餘秒加之數除如法即次候日又加得末候日凡發斂皆以恒氣

推六十卦各因中氣大小餘命之公卦用事日也以地中之策及餘秒累加之數除如法各次卦用事日若以貞卦之策加諸候卦得十有二節之初外卦用事日

推五行用事各因四立大小餘命之即春木夏火秋金冬水首

用事日也以貞悔之策及餘秒減四季中氣大小餘即其月土

始用事日

恒氣

月中節
四正卦

初候

次候

末候

始卦

中卦

終卦

冬至

十一月
中
坎初六

蚯蚓結

麋角解

水泉動

公中孚

辟復

侯屯

內卦

小寒

十二月
節
坎九二

雁北鄉

鵲始巢

野雞始雊

侯屯

外卦

大夫謙

卿睽

大寒

十二月
中
坎六三

雞始乳

鷺鳥厲疾

水澤腹堅

公升

辟臨

侯小過

卦內

立春

正月
節
坎六四

東風解凍

蟄蟲始振

魚上冰

侯小過

卦外

大夫蒙

卿益

雨水

正月
中
坎九五

獺祭魚

侯鴈北

草木萌動

公漸

辟泰

侯需

卦內

驚蟄

二月
節
坎上六

桃始華

倉庚鳴

鷹化為鳩

侯需

卦外

大夫隨

卿晉

春分

二月中
震初九

玄鳥至

雷乃發聲

始電

公解

辟大壯

侯豫
卦內

清明

三月中
震六二

桐始華

鼠化為鴽

虹始見

侯豫

卦外

大夫訟

卿蠱

穀雨

三月中
震六三

萍始生

鳴鳩拂羽

戴勝降桑

公革

辟夬

侯旅
卦內

立夏

四月初
震九四

蜩始鳴

蚯蚓出

王瓜生

侯旅

卦外

大夫師

卿比

小滿

四月
中
震六五

苔菜秀

靡草死

麥秋至

公小畜

辟乾

侯大有

內卦

芒種

五月
節
震上六

螳螂生

鷓始鳴

反舌無聲

侯大有

外卦

大夫家人

卿井

夏至

五月
中
離初九

鹿角解

蜩始鳴

半夏生

公咸

辟姤

侯鼎

內卦

小暑

六月
節
離六二

溫風至

蟋蟀居壁

鷹乃學習

侯鼎

外卦

大夫豐

卿渙

大暑

六月
離九三

腐草為螢

土潤溽暑

大雨時行

公履

辟遯

侯恒

卦內

立秋

七月
離九四

涼風至

白露降

寒蟬鳴

侯恒

卦外

大夫節

卿同人

處暑

七月
離六五

鷹祭鳥

天地始肅

禾乃登

公損

辟否

侯巽

卦內

白露

八月
離上九

鴻雁來

玄鳥歸

羣鳥養羞

侯巽

卦外

大夫萃

卿大畜

秋分

八月
中
九月初九

雷乃收聲

蟄蟲坏戶

水始涸

公賁

辟觀

侯歸妹

卦內

寒露

九月
節
九月初二

鴻雁來賓

雀入大水為蛤

菊有黃花

侯歸妹

卦外

大夫无妄

卿明夷

霜降

九月
中
九月初三

豺乃祭獸

草木黃落

蟄蟲咸俯

公困

辟剝

侯艮

卦內

立冬

十月
節
九月初四

水始冰

地始凍

雉入大水為蜃

侯艮

卦外

大夫既濟

卿噬嗑

小雪

十月
中
兌
九
五

虹藏不見

天氣上騰
地氣下降

閉塞成冬

公大過

辟坤

侯未濟

內卦

大雪

十一月
節
兌
上
六

鶡鴠不鳴

虎始交

荔挺出

侯未濟

外卦

大夫蹇

卿頤

七十二候

三微

易緯乾鑿度曰天氣三微而成一著三著而成一體康成注云五日為一微十五日為一著故五日有一候十五日成一氣也

又曰八卦之生物也畫六爻之移氣周而從卦康成注云八卦生物謂其歲之八節每一卦生三氣則各得十五日今言畫六爻是則中分之言太史司刻漏者每氣

兩箭

四十
八箭

猶是生焉

猶由
通

孔氏月令正義曰凡二十四氣氣有十五日有餘每氣中半分之為四十八氣氣有七日半有餘故鄭注周禮云有四十八箭是一氣易一箭也凡二十四氣每三分之七十二氣之間五日有餘故一年有七十

二候也故通卦驗冬至之前五日商旅不行兵甲伏匿人主與羣臣左右從樂五日以五日為一候也

唐一行五卦候議曰七十二候原于周公時訓月令雖頗有增益然先後之次則同

朱子發卦氣圖說曰二十四氣七十二候見於周公之時訓呂不韋取以為月令焉其上則見於夏小正夏小正者夏后氏之書孔子得之於杞者夏建寅故其書始於正月周建子而授民時巡守祭享皆用夏

正

說本周書

故其書始於立春夏小正具十二月而無中氣

雖有候應而無日數至于時訓乃五日為候三候為

氣六十日為節二書詳畧雖異其大要則同豈時訓

因小正而加詳歟在氏傳曰先王之正時也履端於

始舉正於中歸餘於終中謂中氣也漢詔曰昔者黃

帝合而不死名察發斂定清濁起五部建氣物分數

氣謂二十四氣則中氣其來尚矣仲尼贊易時已有

時訓七月一篇則有取於時訓可知易通卦驗易家

傳先師之言所記氣候比之時訓晚者二十有四早者三當以時訓為定故子雲太玄二十四氣關子論七十二候皆以時訓

漢儒傳六日七分學

後漢方術傳曰其流又有風角遁甲

遁古文巡太玄所謂巡乘六甲

與斗相逢也

七政

日月五星之政

元氣

開闢陰陽之書漢書以太極為元氣

六日七

分逢占

達人所問而占之

日者筮

折竹卜

須臾

陰陽吉凶立成之法

虛之術

郎顛傳父宗字仲綏學京氏易善風角星算六日七分
崔瑗傳瑗明天官歷數京房易傳六日七分

何休傳休注孝經論語風角七分皆經緯典謨不與守

文同詭

漢綏民校尉熊君碑曰治歐羊與陽同尚書六日七分

晉書臺產少專京氏易善圖讖秘緯天文洛書風角星

算六日七分之學

隋書經籍志梁有周易飛候六日七分八卷七

易漢學卷二

欽定四庫全書

經部

易漢學卷三

四三

詳校官給事中臣丁雲錦

通政使司副使臣莫瞻菴覆勘

總校官編修臣王燕緒

校對官編修臣勵守謙

謄錄監生臣李源

欽定四庫全書

易漢學卷三

虞仲翔易

長洲惠棟撰

八卦納甲之圖



右圖坎離日月也戊巳中土也晦夕朔旦坎象流戊

日中則離離象就巳三十日會于壬三日出于庚孔子

三朝記曰日歸于西起明于東月歸于東起明于西故月三日成震時在庚西仲翔曰戊巳土位象見于

中故坎離八日見于丁十五日盈于甲十六日退

于辛二十三日消于丙二十九日窮于乙滅于癸乾

息坤成震三日之象兌八日之象震本屬東方兌本屬西方然月之生

明必于庚上弦必于丁故震十五日而乾體成坤消

乾成巽十六日也艮二十三日也二十九日而乾體

就出庚見丁者指月之盈虛而言非八卦之定體也

乾盈于甲行至辛而始退震為始生巽為始退而皆在西兌上弦艮下弦而皆在南乾滿于甲坤窮于乙而皆在東此以日所行之道言之而納坤由是生焉 甲乾乙坤相得合木故甲

乙在東丙艮丁兌相得合火故丙丁在南戊坎己離

相得合土故戊己居中庚震辛巽相得合金故庚辛

在西壬地癸相得合水故壬癸在北

丙丁在南方所謂二八應

一斤也甲乙在東方壬癸在北方所謂乾坤括始終也御覽引京房易說曰月初光見西方以後生光見東方皆日所照法言曰月未望則載魄于東既望則終魄于東其翹于日乎 此天地自然

之理宋人作是圖者依邵氏偽造伏羲先天圖之位
錯亂不可明今正之而附漢儒諸說于左方

坤象曰西南得朋乃與類行

謂陽得其類月朔至望從震至乾與時偕行故乃與

類東北喪朋乃終有慶

陽喪滅坤坤終復生謂月三日震象出庚故乃終有慶

仲

翔曰此指說易道陰陽消息之大要也謂陽月三日變
而成震出庚至月八日成兌見丁庚西丁南故西南得
朋謂二陽為朋二十九日消乙入坤滅藏於癸乙東癸
北故東北喪朋謂之以坤滅乾坤為喪也

小畜上九曰月幾望易說曰月十五盈乾甲十六見

巽辛內乾外巽故月幾望中孚六四月幾望晁氏

說之

曰孟荀一行幾作既孟喜云十六日也

案此則孟長卿亦用納甲

說之案古文讀近為既詩往近王舅是也此字當作

既棟案六四體巽故云既望晁說是

蹇彖曰蹇利西南往得中也不利東北其道窮也仲翔

曰坤西南卦坎為月月生西南故利西南往得中謂西

南得朋也艮東北之卦月消於艮喪乙滅癸故不利東

北其道窮也則東北喪朋矣

說卦云艮東北之卦也萬物之所成終而所成始也

仲翔曰萬物成始乾甲成終藏癸艮東北是甲癸之間故萬物之所成終而成始者也案仲翔之意艮本東北之卦而消于丙當在南方乾十五日也坤三十日也艮在中距乾坤皆八日甲東癸北故云艮東北甲癸之間

蹇象又云蹇之時用大矣哉仲翔曰謂坎月生西南

庚丁

而終東北

甲癸

震象出庚兌象見丁乾象盈甲巽象退辛

艮象消丙坤象窮乙喪滅于癸終則復始以生萬物故

用大矣

歸妹象曰歸妹人之終始也仲翔曰人始生乾而終于

坤故人之終始雜卦曰歸妹女之終謂陰終坤癸則乾始震庚也

繫辭上曰在天成象仲翔曰謂日月在天成八卦震象出庚兌象見丁乾象盈甲巽象伏辛艮象消丙坤象喪

乙坎象流戊離象就已故在天成象也

三畫謂之象六畫謂之爻日月

在天成八卦止以三才言之仲翔曰八卦乃四象所生非庖犧之所造也觀此可悟

又云縣象

著明莫大乎日月仲翔曰謂日月縣天成八卦象三日暮震象出庚八日兌象見丁十五日乾象盈甲十六日

且巽象退辛二十三日艮象消丙三十日坤象滅乙晦

夕朔旦坎象流戊日中則離離象就已戊巳土位象見

於中

宋人作納甲圖以坎離列東西者誤甚

日月相推而明生焉 又曰

四象生八卦仲翔曰乾二五之坤則生震坎艮坤二五

之乾則生巽離兌故四象生八卦乾坤生春甲艮兌生

夏丙

震巽生秋庚坎離生冬者也戊

參同契曰子午數合三坎子戊巳號稱五三五既和

諧八石正綱紀又云水以土為鬼土鎮水不起朱雀

為火精執平調勝負水盛火須滅俱死歸厚土三性

古文姓皆作性漢碑皆然既合會本性共宗祖仲翔注說卦云水

火相通坎戊離已月三十一會予云是坎離生冬之

義易象鑿度曰離為日坎為月日月之道陰陽之經

所以始終萬物故以坎離為終康成云易以日月終

天地之道

繫辭下曰八卦成列象在其中矣仲翔云象謂三才成

八卦之象乾坤列東甲乙艮兌列南丙丁震巽列西庚辛坎離

在中戊巳故八卦成列則象在其中

說卦曰水火不相射仲翔曰謂坎離射厭也水火相通

坎戊離巳月三十日一會於壬故不相射也仲翔又注歸妹曰乾

主壬坤主癸日月會北又云萬物出乎震震東方也仲翔曰出

生也震初不見東震初出庚在西故不稱東方卦也齊乎巽

巽東南也註云巽陽隱初爻不見東南巽在西亦不稱東

南卦與震同義離也者明也萬物皆相見南方之卦

也注云離象三爻皆正日中正南方之卦也日中則離兌

正秋也注云兌三失位不正故言正秋兌象不見西在兌

南故不曰西方之卦 戰乎乾乾西北之卦也注云乾

剛正五月十五日辰象西北暮在東故西北之卦 坎者

水也正北方之卦也注云坎二失位不正故言正北方

之卦與兌正秋同義坎月夜中故正北方艮東北之卦

也萬物之所成終而所成始也故曰成言乎艮注云

萬物成始乾甲成終坤癸艮東北甲癸之間說見前故萬

物之所成終而成始者也

魏伯陽參同契曰天符有進退詘伸以應時故易統天

心復卦建始萌長子繼父體因母立兆基

沈括曰乾初爻交坤生震

故震初爻納于午乾初子午故也

消息應鍾律

解後圖

升降據斗樞

漢書律歷

注云玉衡杓建天之象也如淳曰杓音焱斗端星也五康曰斗在天空中周制四方猶宮聲處中為四聲綱也太玄

口巡乘六甲與斗相逢

三日出為爽

爽明也

震庚受西方

朱子曰三日第一節

之中月生明之時也蓋始受一陽之光昏見于西方庚也

八日兌受丁上弦平如繩

朱子曰八月第二節之中月上弦之時受三陽之光昏見乎南方丁地

十五乾體就盛滿

甲東方

朱子曰十五日第三節之中月既望之時全受日光昏見于東方甲地是為乾體

蟾蜍

與兔魄日月氣雙明蟾蜍視見節兔魄吐生光七八道

巳訖

七八十五

屈折低下降十六轉受統巽辛見平明

朱子曰十

六日第四節之始始受下一陰為巽而成魄以平旦而沒于西方辛也

艮值于丙南下弦

二十三

朱子曰二十三日第五節之中復生中之陰為艮而下弦以平旦而沒于南方丙地

坤乙

三十日東北喪其明節盡相禪與繼體復生龍

朱子曰三十日

第六節之終合變三陽而光盡體伏于西北一月六節既盡而禪于後月復生震卦云

壬癸配甲

乙乾坤括始終

沈括曰乾納甲士坤納乙癸者上下包之也

七八數十五九

六亦相應四者合三十

七八九十皆合于十五所謂四象生八卦也

陽氣索

滅藏

滅藏于癸

又云火記不虛作演易以明之偃月法鼎

爐白虎為熬樞

郭洞林云兌為白虎

永日為流珠青龍與之俱

御覽

引古注云日為陽陽精為流珠青龍東方少陽也

舉東以合西

日東月西

魄魄自相

拘日魄

上弦兌數八下弦艮亦八兩弦合其精乾坤體

乃成

兌息成乾艮消成坤

二八應一斤易道正不傾

又云晦朔

之間合符行中

坎戊離巳

始于東北箕斗之鄉

甲癸之間上為箕斗

旋

而右轉嘔輪吐萌潛潭見象

春秋緯書潛潭巴義與此同

昂畢之上

震出為微

昂畢在庚

陽氣造端初九潛龍

注見上

陽以三立

春秋緯元命包曰陽立
于三故三日出為震

陰以八通

陰立於八

三日震動八日

兌行九二見龍

兌為見

和平有明三五德就

十五

乾體乃

成九三夕惕虧折神符盛衰漸革終還其初巽繼其統

固濟保持九四或躍進退道危

巽為進退

艮主進止不得逾

時二十三日典守弦期九五飛龍天位加喜六五坤成

結括終始韞養衆子世為類母上九亢龍戰德于野用

九翩翩為道規矩陽數已訖訖則復起推情合性轉而

相與循環璇璣升降上下周流六爻難可察覩故無常

位為易宗祖 又云坎戊月精離巳日光日月為易

繫辭

下云易者象也仲翔云易謂日月懸象著明莫大日月也 剛柔相當土旺四季羅絡

始終青赤黑白各居一方

甲乙青丙丁赤壬癸黑庚辛白

皆稟中宮戊

巳之功

戊巳黃

龍虎上經曰丹砂流汞父

汞說文作頌云丹沙所化為水銀也

戊巳黃金

母鍾律還二六律

十二

斗樞建三元赤童戲朱雀

郭洞林云離為

雀變化為青龍坤初變成震三日月出庚東西分卯酉

龍虎自相尋

震龍兌虎卯東酉西

坤再變成兌八日月出丁上弦

金半斤坤三變成乾十五三陽備圓照東方甲金水溫
太陽赤髓流為汞姤女弄明璫月盈自合虧十六運將
減乾初缺成巽平明月出辛乾再損成艮二十三下弦
下弦水半斤月出于丙南乾三變成坤坤乙三十日東
北喪其明月沒于乙地坤乙月既晦土缺金將化繼坤
生震龍乾坤括始終如上三十日坤生震兌乾乾生巽
艮坤八卦列布曜推移不失中

案龍虎經似宋初人偽撰如圓照東方甲坤生震兌

乾皆不知漢易者也

漢書李尋曰月者衆陰之長消息見伏百里為品千里

立表萬甲連紀妃后大臣諸侯之象也朔晦正終始

壬癸

配甲乙

弦為繩墨

辰

望成君德

乾為君

春夏南秋冬北

京房乾卦傳曰甲壬配外丙三象陸續曰乾為天地之首分甲壬入乾位

案乾納甲壬故內三爻甲子寅辰外三爻壬午申戌京房履卦傳曰六丙屬八卦九五得位為世身九三大

夫合應象陸績曰艮六丙也

案艮五世履故云六丙

京氏易傳曰分天地乾坤之象益之以甲乙壬癸

陸績曰乾

坤一卦為天地陰陽之本故分甲乙壬癸陰陽之始終

震巽之象配庚辛

庚陽八震辛陰

八巽坎離之象配戊己

戊陽八坎己陰八離

艮兌之象配丙丁

丙陽八艮

丁陰八兌八卦分陰陽六位配五行光明四通效

一作變

易立

節

又曰鼎木能巽火故鼎之象中虛見納受辛于內也

案巽納辛謂離中虛而受巽辛故有鼎象古文尚書

堯典曰女汝耐能暮庸命命 𡗗巽 𡗗朕 立位 說文曰

𡗗巽也从丌从顛此易𡗗卦為長女為風者馬融注
尚書曰𡗗遜也𡗗古文巽巽納辛許叔重謂受辛者
宜解之故辭字从受从辛亦巽讓之義也

唐律疏義曰按禮日見于甲月見于庚

案仲翔注易訟上九曰乾為甲日出甲上故稱朝說

文曰早从日為甲上古文早 十五乾盈甲日月相望

月上屬為天使故日見于甲地三日月出庚震屬庚
故日見于庚地夫婦之義取諸此

五位相得而各有合

繫辭曰天數五地數五五位相得而各有合仲翔曰五
位謂五行之位甲乾乙坤相得合木謂天地定位也丙
艮丁兌相得合火山澤通氣也戊坎己離相得合土水

火相逮也

水火相逮合土參同契所謂二物一家都歸戊己也

庚震辛巽相得合

金雷風相薄也壬壬地癸相得合水

荀爽言建亥月乾坤合居

言陰

陽相薄而戰于乾故五位相得而各有合

三 二 五 四 一

五位相得而各有合

右圖見宋本參同契當是仲翔所作與前說合月令所

謂孟春之月其日甲乙孟夏之月其日丙丁是也月令

又云孟春其數八孟夏其數七蓋以土數乘木火金水

而成即劉歆大衍之數也

皇侃禮記義疏以為金木水火得土而成以水數一得土

數五故六也火數二得土數五而成數七水數三得土

數五為成數八又金數四得土數五為成數九參同契
謂土旺四季羅絡始終青赤黑白各居
一方皆稟中宮戊己之功皆是物也

朱子發作易圖

及叢說據仲翔甲乾乙坤相得合木之注以為甲一乙二丙三丁四戊五己六庚七辛八壬九癸十乾納甲壬配一九坤合乙癸配二十殊不知納甲之法甲與乙合生成之數一與六合兩說判然朱氏合而一之漢學由是日晦矣

周流六虛

繫辭曰變動不居周流六虛仲翔曰六虛六位也

乾坤十二

辰分六位陸績說也乾三畫坤三畫分六位仲翔說也日月周流終則復始故周

流六虛謂甲子之旬辰為虛坎戌為月離巳為日八在中宮其處空虛故稱六虛五甲如次者也棟案甲子之旬辰為虛者六甲孤虛法也裴駟曰甲子旬中無戌亥戌亥為孤辰巳為虛甲戌旬中無申酉申酉為孤寅卯為虛甲申旬中無午未午未為孤子丑為虛甲午旬中無辰巳辰巳為孤戌亥為虛甲辰旬中無寅卯寅卯為孤申酉為虛甲寅旬中無子丑子丑為孤午未為虛太

史公曰日辰不全故有孤虛

張存中曰書通證云陰陽家金匱曰六甲有孤上坐

者勝虛上坐者負伍子胥曰凡遠行諸事不得往

甲乙為日合而為五行子丑

為辰分而為六位

淮南子謂之六府

故京房易傳曰降五行頌

六位漢書律歷志曰天數五地數六六為律五為聲周

流于六虛虛者爻律

乾坤十二爻黃鍾十二律陰陽各六

其說皆與仲翔

合天有五行十二辰

參同契曰日受五行精月受六律紀五六三十度度竟復更始

易

有四正十二消息樂有五聲十二律

參同契曰消息應鍾律

其義

一也仲翔又謂坎月離日入在中宮其處空虛者此謂

坎離為乾坤二用也乾位六坤位六主一歲之消息坎

戌離已居中宮旺四季出乾入坤流行于六位消息之

中而消息獨無二卦象故云其處空虛也參同契曰天

地設位而易行乎其中矣天地有乾坤之象也設位者

列陰陽配合之位也乾坤各六易謂坎離日月坎離者乾坤二

用二用無爻位十二消息不見坎離象朱子語類解周參同契二用即乾坤用九用六殊誤

流行六虛往來既不定上下亦無常幽潛淪匿變化于

中包囊萬物為道紀綱以無制有器用者空故推消息

坎離沒亡坎離在四正是則坎離者于五行為土于五聲為

宮律歷志云天之中數五五為聲聲上宮五聲莫大焉
地之中數六六為律律者著宮聲也宮以九唱六變動
不居周流六虛始于子終于亥而乾坤六位畢矣

十一
川黃

鍾乾初九至十月應
鍾坤六三而一歲終矣

乾為積善

坤文言曰積善之家必有余慶積不善之家必有余殃
仲翔曰謂初乾為積善以坤壯陽滅出復震為餘慶

乾成

于震謂
月三日

坤積不善以乾通坤極姤生巽為餘殃

坤生于
巽謂十

六日仲翔又注履上九曰乾為積善故考祥漢議郎元賓

碑曰乾乾積善蓋古人以陰為惡陽為善

朱穆奏記曰善道屬陽惡

道屬陰

尚書大傳考績訓曰積不善至于幽六極以類降

故黜之積善至于明五福以類升故陟之乾為善又為福故仲翔注謙卦云坤為鬼害乾為神福乾乾積善謂九三也五福攸好德其積善之謂乎

虞氏逸象

荀九家逸象五十有一載見陸氏釋文朱子采入本義

虞仲翔傳其家五世孟氏之學八卦取象十倍于九家

如乾為王

乾為君故為王九家震為王乾初九也

為神

陽為神

為人

指九三索康成

注乾繫度曰人象乾德而生又云太一常行乾宮感降而生人

為聖人

九

為賢人為君

子

皆謂九三三于五爻為人道

為善人

乾為善為人故為善人乾爻善之義也

為武人

乾陽剛武春秋外禮曰天事武

為物

乾純粹精故主為物

為敬

九三夕惕若厲厲說文引作賣賣敬

也左傳成季之生也筮之遇大有之乾曰同復于父敬如君所是乾為敬也

為威為嚴

君德威嚴

為道

乾道變化

為德

乾有四德

為信

坎之孚也

為善

善道屬陽

為良

乾善故良

愛

長人為愛

為忿

乾剛武為忿

為生為慶

陽稱慶

為祥

善也

為嘉

四德亨者

嘉之為福為祿為積善為介福大為先坤先迷後得主故乾為先為

始乾知為知乾以為大易稱大九家易曰六爻純為盈

十五乾盈甲為肥乾盈為好賈逵曰好為施陽主為利利四

一為清乾為天為治乾元用九為高為宗為甲乾納

問曰天氣始于甲為老四月乾為舊為久不息為畏與威為大

明卦木為晝為遠為郊位西北為野為門乾坤易為大謀

坎心為謀乾稱為大門為車漢儒皆以乾為車王莽為

大車為百乾三爻三十六故百略其奇八與大行之五

曰庭寶旅百奉之以玉帛天地之美具焉蓋
艮為庭為寶坤為旅為帛乾為百為玉也 為歲為朱

乾為大為頂與首為圭為玉故為蒼蒼數百坤為妣為
赤故朱為頂同義為圭為圭與乾同坤為妣為

喪為母母為民一君為刑人刑為小人陰稱為鬼乾
喪故稱妣為民二民為刑人刑為小人陰稱為鬼乾

神故為鬼黃帝為尸為喪故為形在地為自為我為身
占以坤為鬼門為尸為尸為喪故為形在地為自為我為身

為拇為至坤元為安坤道主靜故安左傳畢萬筮
指足大為至坤元為安坤道主靜故安左傳畢萬筮

而能殺杜預以為坤安震殺也為康猶安為富吝
月令晏陰康成以為陰稱安也為康猶安為富吝

財為積為重為厚厚德為基為致與至為用為寡為徐
財為積為重為厚厚德為基為致與至為用為寡為徐

為營坤為田古文旬營通詩江漢來旬為下為裕坤弱
來宣箋云旬當為營此其證也為下為裕坤弱

為虛

乾息為盈
坤消為虛

為書

地事文故為書
坤為文也

為永

坤用六利永貞

為通為

思為默為惡

好惡之惡賈逵曰惡生於陰

為禮為義

周書曰地道曰義乾鑿度曰地

靜而理為事

六三或從王事
京房元陰為事

為類為閉為密為恥為欲

坤陰吝

為過為醜

坤為夜夜以醜之詩中葺之言
薛君注中葺中夜也

為惡

惡道

為怨為害為終

代終為喪

為殺為亂為喪期為

積惡為冥為晦

于坤

為夜為暑

冬至沒初九乾也稽覽圖曰冬至之後三十日

極寒故乾為寒夏至始初六坤也稽覽圖曰夏至之後三十日

為乙

坤納乙

為年

為十年

坤數十

為盍

與闔同

為戶為闔戶

繫辭

為庶政為大業

繫為土為田為國為邑為邦為大邦為鬼方為鬼為方故為鬼方

為器為缶坤土為輻為大輿故為輻為虎京房易坤為虎刑為黃牛震為

帝帝出乎震為主主器為諸侯漢司徒丁恭曰古者帝王封諸侯不過百里故利以建侯取法

于雷逸禮王度記曰諸侯封不過百里象雷震百里為人為行人為行為人故為行人為上

為兄為夫為元夫為行足能行為征猶行也為出三日為遂

震為驚走故稱逐為作東作之義為興為奔為奔走為警衛為百論語

識曰雷震百里聲相附宋均注雷動百里故因以制國也鄰炎對事曰或曰雷震驚百里何以知之炎曰以其

數知之夫陽動為九其數三十六陰靜為八其數三十二一陽動二陰故曰百里為言為講為

議為問為語為告

震善鳴故有諸象

為響為音

震為鼓故為音

為應為

交為懲為反為後

初位在下故言後

為後世為從為守為左

震

卯卯為左為生

月三日生明

為緩為寬仁

震為春春主仁樂緯積耀嘉曰仁者有惻隱之

心本生于木注云仁生于木故惻隱出于自然也

為樂

春秋繁露曰春蠢也蠢蠢然喜樂之貌

為

笑木卦

為大笑為陵

震為九陵故為陵

為祭

主祭

為鬯

長子主祭器

為草

莽為百穀

為百為稼故為百穀

為麋鹿

麋鹿善驚震驚之象

為筐

服虔曰震為竹竹為

為趾

足也坎為雲

上坎為雲下坎成雨為玄雲為大川為志

心志一也

為謀為惕

加憂為惕

為疑為恤為逃

恤逃皆憂也

為悔

坎心為悔

為涕

洩為疾為失為破為罪為悖為欲為淫坎水為淫為獄為暴

坎道為暴為毒為虛為瀆煩瀆之瀆為孚為平水性平為則法則為經

六經之經為法見在傳為叢坎為叢棘為聚為習本卦為美坎為美故脊美為

役為納為臀為腰為膏為陰夜坎月夜為歲為三歲為酒

為鬼為校為弧為弓彈艮為弟為小子為賢人九為童

為童僕為官為友為道為徑路故為道為時為小狐為猿為碩

為碩果剝卦為慎為順古文慎順通為待為執齊手故為執為多艮多

節故為多為厚為節節止為求見蒙卦為篤實見大畜象為穴居為城

宮官

門閭
宮象

為庭

杜預注在易
艮為門庭

為廬為牖為居為舍

與居
同義

為家廟社稷為星

艮主斗斗建十二辰艮為人斗合于
人統朱子發引仲翔注曰離艮為屋

離為日非星也
朱誤讀虞注耳

為斗

艮上位斗九家易曰艮數
三七九大十三三主斗

為沫

小星

為肱為背

艮為多節故稱背
艮卦云艮其背

為尾為皮

艮為膚
故為皮

巽為命

木 為誥

見姤
卦

為號為隨為利

近利
市

為同為交為白茅為

草莽為草木

剛爻為木
柔爻為草

為薪為帛為牀

巽木
為牀

為桑為蛇

位在 為魚

郭璞曰魚者震之廢氣也朱子發曰
巽王則震廢故仲翔以巽為魚也

離為黃

六 為見

相見
乎離

為飛

鳥體
飛

為明

鸞明
而治

為光為甲

日出
甲上

為孕

為大腹

為戎

戈兵戎器

為刀為斧為資斧為矢為黃矢

馬王亦云

離為矢見釋文離為黃故又為黃矢

為罔

罔罾取諸離

為鶴為鳥

見大傳

為飛鳥

為甕為瓶

皆中虛之象

兌為友為朋為刑人為小為折為密

為刑為見

見離卦仲翔曰兌陽息元故見

為右

兌在酉酉右也又手也兌為口口助手故為右

仲翔云口助稱右說文曰右手口相助也

為少知以上取象共三百二十七

乾六十一坤七十七震五十坎四十
五艮三十九巽十六離十九兌九

雖大略本于經然

其授受必有所自非若後世嚮壁虛造漫無根據者也

孔文舉書

孔融答虞仲翔書曰示所著易傳觀象雲物應察寒溫
原本禍福與神合契可謂探索窮通者也自商瞿以來
舛錯多矣去聖彌遠衆說騁辭曩聞延陵之禮樂今觀
虞君之治易知東南之美非但會稽之竹箭焉

御覽六
百九

易漢學卷三